



Broj: 02-45-7/22-AP-90
Datum: 07.7.2022.. godine

U skladu sa članom 6. stav (2) Zakona o finansijskom upravljanju i kontroli u javnom sektoru u Federaciji Bosne i Hercegovine („Službene novine FBiH“, broj: 38/16), Pravilnika o provođenju finansijskog upravljanja i kontrole u javnom sektoru u Federaciji Bosne i Hercegovine („Službene novine FBiH“, broj: 6/17 i 3/19) i Privremene statutarne odluke Grada Zavidovići („Službeni glasnik Općine Zavidovići“, broj:4/22), Gradonačelnik usvaja:

MISIJU, VIZIJU I CILJEVE GRADA ZAVIDOVIĆI

I VIZIJA

Konkurentna i poduzetna sredina, prepoznatljivog identiteta, grad ravnopravnih građana, sa ujednačenim urbanim i ruralnim razvojem, mjesto ugodnog i zdravog življenja.

II MISIJA

Misija Grada Zavidovići je kontinuiran i predan rad na izvršavanju poslova iz djelokruga lokalne samouprave, na zakonit, efikasan i transparentan način, što doprinosi razvoju privrede, kulture, umjetnosti, obrazovanja, nauke i sporta, sa ciljem zadovoljavanja potreba svih građana. Gradska uprava Grada Zavidovići odgovornim upravljanjem javnim dobrima i budžetskim sredstvima, primjenom participativnog odlučivanja, protokom informacija, te nadasve ljubaznim i korisnički usmjerenim radom administracije osigurava stalno unaprjeđenje kvaliteta i rada stanovnika.

III CILJEVI

Ciljevi Grada Zavidovići su:

Cilj 1: Izgradnja institucionalnog okvira koji će omogućiti stvaranje poticajnog i dinamičnog poslovnog okruženja, uz optimalno korištenje svih lokacijskih i infrastrukturnih pogodnosti - ovaj cilj se prvenstveno odnosi na stvaranje potrebnih institucionalnih i infrastrukturnih uvjeta za ekonomski rast, kao i uloge gradske administracije i povećanje njene efikasnosti pri stvaranju povoljnog poslovnog ambijenta i pružanja podrške ekonomskom razvoju zasnovanom na principima održivosti.

Cilj 2: Razvoj komunalne i poslovne infrastrukture, jačanje ekonomskih aktivnosti (razvoj industrije, MSP, turizma i poljoprivrede) i povećanje zaposlenosti - ovaj cilj podrazumijeva stvaranje okruženja koje će podsticajno djelovati na osnivanje novih i jačanje postojećih privrednih subjekata sa posebnim akcentom na izvozno orjentisana preduzeća, a kroz razvoj komunalne i poslovne infrastrukture.

Cilj 3: Prepoznatljiv imidž Zavidovića kao otvorenog grada sa razvijenom društvenom infrastrukturom, raznovrsnom turističkom ponudom i efikasnom lokalnom upravom, orijentiranom prema EU integracijama – ovaj cilj podrazumijeva da će se grad Zavidovići graditi kao zajednica u kojoj različiti ljudi imaju različite poglede i interese i gdje se štite prava svih ljudi, omogućavajući im da žive zajedno u miru i prosperitetu, kao sredina koja rado prihvata goste iz cijelog svijeta, s kojima uspostavlja prisan odnos i koja kroz turizam izražava i, istovremeno, čuva svoje prirodne i kulturnoistorijske vrijednosti, uz poštivanje evropskih standarda u kontekstu socijalne uključenosti, a čemu će svoj doprinos dati gradska uprava koja je u potpunosti prigrllila korisnički orijentiranu poslovnu kulturu, koja iznad svega uvažava kvalitet, te kao ponosa vrijedno, lično postignuće, smatra pružanje visoko profesionalne, efikasne i efektivne usluge.

Cilj 4: Razvijena zajednica koja živi u čistom i zdravom okolišu i svoj razvoj bazira na održivom korištenju prirodnih bogatstava i energetskej efikasnosti – ovaj cilj podrazumijeva da je kroz zaštitu prirode neophodno uspostaviti ekološku ravnotežu u prostoru, kojom će se trajno obezbijediti zdravi i humani, ekološki uslovi života i očuvati prirodne dragocjenosti kojih ovaj prostor ima u izobilju.

GRADONAČELNIK

doc. dr. Hašim Mujanović